

ein gueter reuter war. So het er für ein koch nit megen
verbössert werden, aber sein völlerli bracht in von allen
diensten und zu letst, als ich eracht, umb sein leben darzu.
Der allmechtig verzeihe im und uns allen!

5 In zwaijen jaren nach grave Johann Wernhers absterben,
anno 1550, do fieng grave Froben Christof, mit vergünstig-
ung und zulassen grave Gotfrid Wernhers, die vorstat zu
Mösskirch an zu bawen, vor dem Angerthor. Das waren
dozumal gerten, die gehörten dem capitel, auch einsteils den
10 pfründen oder der burgerschaft daselbst. Die warden alle
erkauft oder vertauschet, damit sich des bawens niemand
mit billichait oder fuegen het zu beschweren. Und wiewol
sollicher baw ainer herrschaft, so dann gemainer stat Möss-
kirch nutzlich und wol anstendtlich, ich geschweig, das sich
15 vil armer burger und herrschaftsleut darbei ernert und er-
halten, nochdann hat er domals wenig burgern gefallen und
ist der von iren etlichen, sovil inen derzeit möglich, vil ver-
hündert worden. Bemelter graf hat bald darnach den newen
spital an Rordorfer strasen zu bawen angefangen, und ist
20 letstlich die vorstat vil glücklicher ufgangen, dann die zu
Brewlingen am Schwarzwaldt. Die burger daselbst haben
vor jaren, als man sagt, auch ain vorstat wellen bawen,
aber als der baw am gelt erwunden, haben sie dannocht
ein loch in die statmauren gebrochen und ein bachoffen für
25 die stat uf bueg und kepfer gesetzt, damit sie mit warhait
sich berüemen, brot in der vorstatt bachen kinden. Villeucht
haben die meus dozumal bemelten von Breulingen iren [1025]
schatz angriffen, der in einer sawblater ist behalten worden.
Also liefs Sampson Weifs, ain procurator zu Rotweil am
30 hofgericht, einest ain gespai von inen ufsgon, darumb er
auch nit wol sicherlich dahin dorft wandlen. Graf Carlin
von Zollern hat sich etlich mal understanden, die vorstat
zu Mösskirch zu erwerben, auch die hohen gericht daselbst
bifs ans Angerthor uf die brucken anzusprechen, wie dann
35 sollichs in den zollerischen sachen weitleufiger gemeldet.
Aber der graf hat sich dessen nit irren lasen, sonder ist für
und für fortgefahren. In bemelter vorstatt hat grave Froben
Christof ein grose behausung gebawen über den Hewdorfer
bach, uf zwai gewelber. Das haben die burger Weisenburg
40 genannt, und ist der nam dem haus bliben. Solch haus
wardt anfangs, als es zu grundt wardt gelegt, im fundament
nit recht versorgt, derhalben, wie es bifs in die gibel er-